



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Conversio Peccatoris, Seu Modus quo Peccator  
communiter resurget ad justitiam.**

**Lefelon, Antoine**

**Bruxellis, 1675**

Caput XII.

**urn:nbn:de:hbz:466:1-9433**

## CAPUT XII.

*Vtrum hæc duo sibi convenient : Deus quolibet  
momento paratus est peccatorem in gratiam  
suscipere : & tamen regulariter inveteratus  
peccator non solet in momento, seu brevissimo  
tempore ad veram conversionem sufficienter  
disponi ?*

**C**Ap. 10. concedit Manuductio ;  
sicut procul dubio concedendum  
est , omni tempore paratum  
Deum peccatores in gratiam recipere ,  
innixa Scripturæ dicentι : *Cum quæsieris  
Dominum Deum tuum , invenies eum : sed  
conditio subjungitur : si tamen toto corde  
quæsieris , & tota tribulazione animæ tuae .*  
Hanc negat ab inveterato maximè pec-  
catore citò , ac parvi temporis spatio ad-  
impleri. Improbat id num. 263. Ap-  
pendix , eò quòd consequens putet : *Si  
Deus omni momento paratus est peccatorem ex-  
cipere in gratiam , ergo omni tempore paratus est  
ei dare suum adjutorium ad se convertendum .*  
Ex quo deindè concludit , omni momen-  
to peccatori facile à peccatis recedere , &  
sese debitè ad Deum convertere .

Adjutorium intelligit proximè &  
com-

completè ad conversionem sufficiens, ut  
præter illud opus non sit aliud requirere.  
Hoc putat sic unicuique omni momento  
Deum dare paratum, ut id nemini ob-  
præcedentia sua delicta subtrahat. Ve-  
rūm hebes est, quisquis non videt id ad  
primum antecedens non consequi. In  
divinis Scripturis legimus: *In præteritis Act. 14.*  
*generationibus dimissas omnes gentes ingredi v. 15.*  
*vias suas; nonnullos dimisso secundūm de- Ps. 80. v.*  
*sideria cordis sui, alios traditos in passionibus 13.*  
*ignominiae, & in reprobūm sensum. Alios Rom. c. 1.*  
*denique excæcatos & obduratos. Hæc v. 26. 28.*  
*autem dimissio, traditio, excæcatio & Ibid. c. 11.*  
*obduratio, sine saltem hujusmodi di-*  
*vini auxiliī subtractione intelligi non*  
*poteſt. An tamen non omni tempore*  
*Deus adimplere paratus fuit, quod per*  
*Prophetam dicit: Si autem impius egerit Ezech. 18.*  
*pœnitentiam ab omnibus peccatis suis qua ope- v. 21.*  
*ratus est, & custodierit omnia precepta mea,*  
*& fecerit judicium & justitiam; vitâ vivet,*  
*& non morietur. Omnium iniquitatum ejus,*  
*quas operatus est, non recordabor. Poteſt ita-*  
*que Deus & omni momento paratus esse,*  
*peccatorem legitimè pœnitentem in gra-*  
*tiam suscipere, & tamen quosdam se de-*  
*ſerentes ipſe quoque deserere.*

Hanc autem suæ ratiocinationis nulli-

I 4 tatem,

## 136 CONVERSIO

*Circa finem* tatem , nec ipse Auctor debuit ignorasse : & morientes quippe , ut oportet pœnitentes paratus est Deus in gratiam recipere . Verissime enim Demetriano dicebat S. Cyprianus : *In isto adhuc mundo manenti pœnitentia nulla sera est . Patet ad indulgentiam Dei aditus , & quærentibus atque intelligentibus veritatem facilis accessus est . Tu sub ipso licet exitu & vita temporalis occasu , pro delictis roges , & Deum , qui unus & verus est , confessione & fide agnitionis ejus implores : venia confitenti datur , & credenti , indulgentia salvatoris de divina pietate conceditur & ad immortalitem sub ipsa morte transitur : confitetur tamen Appendix , & ex Scripturis & Patribus constare dicit , plurimis morientium sub vita exitum pœnitentiæ gratiam denegari .*

## §. I.

*Quo sensu Deus Gratiæ suæ adjutorium ad Conversionem necessarium paratus est cuilibet exhibere .*

**A**lio tamen sensu inficiari nolim , paratum Deum Gratiæ suæ adjutorium ad Conversionem necessarium , cuilibet exhibere : nempe legitimè , & ut oportet petenti , quærenti , atque pulsanti :

santi. Nisi enim paratus esset, non hor-  
taretur ad petendum: si tamen, quidquid  
dare paratus est, citò & leviter petenti  
concederet; pauperis Vidae, & impor-  
tuni Amici Parabolis non indiceret no-  
bis orationis instantiam & perseveran-  
tiam. Peccator verò adhuc pravis con-  
cupiscentiis deditus conversionem suam  
aut non appetit, aut non nisi infirmo de-  
siderio, ac per hoc necessarium ad illam  
Dei adjutorium, in ejus bonitate petenti-  
bus præparatum, aut non petit, aut non  
nisi imperfectè; ut jam mirum minimè  
sit, magnum illud pœnitentiæ ac con-  
versionis donum non citò aut facilè ei  
concedi.

## §. II.

*Paucos quosdam Deus extraordinario modo  
prævenit.*

**S**Ubindè quidem peccatoris inquisi-  
tionem prævenit Deus, & mirabili  
gratiæ suæ operatione bonam volunta-  
tem, quâ debitè convertatur, non expe-  
ctatâ profectum morâ, simul & donat  
& perficit. Hoc in Matthæo, Latrone,  
Paulo actum miramur: sed id superabun-  
dantis gratiæ est, paucis datæ, quæ nisi  
le-

legitimè probetur, data non supponitur.

L. 2. de Multò verò, uti id notat S. Prosper, cre-  
poc. gent. c. brior, multoque numerosior pars illa hominum  
est, cui particulatim, quidquid supra largi-  
tas donat, accrescit, ut conferendorum munerum  
causæ de his quæ sunt collata patientur. Ut ete-  
niam ex parvis seminum initiis, ordinatis  
augmentis ad debitam mensuram plantæ,  
arboresquè succrescunt, sic regulariter  
& animæ requisitam justitiæ perfectio-  
nem adipiscuntur. Propter hoc uti anno-  
tarunt SS. Patres Basilius, Cyrillus Alex.  
& Gregorius, hinc à Salvatore adhibita  
est similitudo: *Sic enim, inquit, regnum*

*Dei, quemadmodum si homo jaciat sementem in*  
*26. 27. 28. terram, & dormiat, & exurgat nocte & die,*  
*& semen germinet, & increscat, dum nescit*  
*ille: ultrò enim terra fructificat; PRIMÙM*  
*HERBAM, DEINDE SPICAM, DEINDE*  
*PLENUM FRUMENTUM IN SPICA.*

Aversum à se peccatorem Deus præ-  
occupat, & gratiæ suæ munere inchoat  
in illo exordium bonæ voluntatis, ut qui  
priùs mundi hujus torrentibus omni avi-  
ditate inhians, aureo Babylonis calice to-  
tus delectabatur; incipiat nunc vel primo-  
ribus labris aliquid de justitiæ fonte gu-  
stare: quo percepto grata fit illi ejus re-  
ctitudo, præsertim quam conspicit aut  
credit

credit in aliis: tum deinde in se reversus tortitudinem suam quā ab illa distat, videt & improbat. Hæc divini seminis cælitùs cordi ejus immissi prima pullulatio est, quæ magis proficit, cùm accedentibus timoris, pudoris, ac remordentis conscientiæ stimulis, peccator cupiditatibus suis jam tentat velle resistere: sed in principio tentat tantum, parvum enim tum plerumque atque invalidum est velle, cui adhuc vetusta prævalet cupiditas, cui tamen magis ac magis repugnando tantum decedit, quantum paulatim proficiendo bonæ voluntati accedit: ac tandem istis incrementis tanta hæc fit, ut ruptis peccati vinculis, præ omnibus Deo mentem faciat inhærere; hoc est debitè converti.

## §. III.

*Communiter non unius momenti opus est, aut levis laboris conversio peccatoris, præcipue inveterati.*

**A**D hunc autem gradum quamvis alii tardius, alii citius ascendant, communiter tamen non unius momenti opus est aut levis laboris eundem comprehendere. Quantum satis est, id hactenus monstravi,

stravi ; sed quamvis hæc omnia deficerent , sufficerent ipsa quotidiana experientia. Quisquis enim aut aliquando talis fuit , sed jam Dei gratiâ correctus ; aut ejusmodi convertendis intendit ; suo vel alieno experimento verissimum agnoscit illud B. Laurentii Justiniani : *O quantis resurr. ani- clamoribus introrsus , inquit , quantisve exhortationibus*

*sacris excitatur peccator , antequam de morte seu somno delictorum evigilet ! Sed & vigili effectus , ô quot blanditiis , quot rationibus , quot promissionibus , quot exemplis , quot pulsatur terroribus , ac flagellis , priusquam peccandi voluntatem abjiciat , & sincero animo atque deliberatione constanti totus divino mancipetur obsequio ! Nec immerito : tot quippe unibus tenetur astrictus , quot sceleribus prægravabatur , tantisque spiritualibus compeditus est vinculis , quanis caducis rebus immoderato inhæret affectu . Captivatur itaque consuetudine delinquendi : retrahitur à sensualitate , quæ penitentie jugo colla subjecere recusat : repellitur suasionibus dæmonum : visibilium detinetur amore : amicorum & affinium dissuadetur blanditiis.*

CA-